

Digo - Agape Maandiko - God's Love Letter Scriptures

**Johana 15:9 Nakumendzani dza vyo Baba animendzavyo. Phahi
gbwiranani nami ili nikuonyesen mendzwa yangu.**

**Isaya 43:1,2 - AEfeso 2:10 Mlungu wahumba hivi hurivyo sambi.
Achihuunganisha na Jesu Muokoli, ili huhende mahendo manono
ambago wahupangira chimbere hugahende.**

**Jeremia 1:5 - AGalatia 1:15 Lakini Mlungu kala analonda chivyanjina.
Wanitenga hata kabla sidzangbwetyalwa, na achinitambula
kulengana na arivyomendza iye ili nimhumikire, hata dzagbwe kala
sifwaha.**

**Johana 15:16 Mwimwi simwi mrionitsambula, ela mimi ndiye
yekutsambulani na nchikuhumanı mkavyale mavuno sigosira. Ndipho
rorosi ndirom'voya Baba kpwa uwezo wangu, andakuphani.**

**3 Johana 1:2 Msena wangu, nakuvoyerera Mlungu ukale mzima, na
mambogo gosi gaenderere vinono dza vivyo uendereravyo vinono
chiroho.**

**Isaya 43:4 - 1 Petero 2:9,10 Lakini Mlungu wakutsambulani mkale atue.
Kpwa hivyo mwimwi mu alavyadzi-sadaka a chifalume na taifa
rihumikiraro Mlungu bahi, yani atu a Mlungu mwenye.
Mwatsambulwa ili mkale mndatangaza mahendo manono ga Mlungu,
ariyekuihani mtuluke jizani ili mkale phakpwe mwangani,
mwangawe mmono. 10 Hiphо mwandzo kala simwi atu a Mlungu, ela
sambi mu akpwe. Tsона kala tamdzangbwemanya mbazi za Mlungu,
ela vivi mkaziphokera.**

**Jeremia 31:3 - AEfeso 1:4 Mlungu wahutsambula hukale atu a Jesu.
Wahutsambula hata kabla kadzangbwembua dunia, ili hukale
atakatifu na bila lawama mberezze.**

**2 Timothi 1:9 Mlungu mwenye ndiye ariyehuokola na achihuiha huishi
bila ya lawama. Naye wahenda hivyo si kpwa sababu sisi hwahenda
rorosi nono. Ela ni kpwa lengore mwenye, kama arivyopanga
kuhuonera mbazi kpwa kuungana na Jesu Muokoli kabla ya dunia
kuumbwa.**

Johana 3:16 Kpwa sababu hiyo Mlungu wamendza atu duniani hata

**achimlavya mwanawe wa macheye, ili chila mutu amkuluphiraye
asiangamike, ela akale na uzima wa milele.**

Hosea 11:8; Isaya 49:15,16; & Isaya 41:13,14

**Luka 12:32 "Mwi afuasi angu mu chikundi chidide, ela msiogophe,
mana Sowe Yenu Mlungu anaonato kukutawalani na kukurindani.**

**Mathayo 28:20 mkaafundze alunge chila chitu nrichokulagizani. Hakika
nami n'ndakala phamwenga namwi siku zosi, hadi mwisho wa
dunia."**

**Johana 14:1 Jesu waambira anafundzie, "Msisononeke mwenu miyoni.
Mkuluphireni Mlungu, na nikuluphirani mimi piya.**

**Zaburi 23:1 - Johana 10:11 Mimi ndimi mrisa mnono. Na hiye mrisa
mnono a tayari kufwa kpwa sababu ya mang'ondzige.**

**Zaburi 23:2 - Maono 7:17 Mana Mwana-ng'ondzi phara kahi-kahi ya chihi
cha chifalume andakala mrisa wao. Andaalongoza osi kuphiya
kuriko na pula za madzi ga uzima. Naye Mlungu andaafuta matsozi
gao."**

**Zaburi 23:3,4 - Luka 1:79 Undaang'arira atu ario jizani, ambaro ni dalili
ya chifo, na undahuelekeza maisha ga salama."**

**Zaburi 23:5,6 - 2 AKorintho 1:10 Akahutivya na hatari ya chifo, naye
andahutivya, tsona hunakuluphira kukala Mlungu andaenderera
kuhutivya.**

**AFilipi 4:7 Phahi Mlungu andakuphani amani ambayo mwanadamu
kaweza kuielewa. Amani hiyo naitawale miyoyo na achili zenu kpwa
sababu mnamkuluphira Jesu Muokoli.**

**Mafumbo 3:24 & Zaburi 4:8 - Johana 14:27 Nakurichirani amani yangu,
nayo si dza hira ilaviwayo ni atu asiomkuluphira Mlungu.
Msisononeke wala kukala aoga.**

**Zaburi 33:18 - 1 Petero 3:12 Mana Mlungu anaona osi ahendao haki, na
nkusikira mavoyo gao. Ela ahendao mai, nkualozera kogo."**

**ARumi 5:2 Kpwa sababu ya kumkuluphira Jesu, Mlungu wahujaliya na
manono gosi, na vivi anaenderera kuhujaliya. Phahi hunaonato sana
mana hunaamini hundakala phamwenga na Mlungu phatuphe pha
nguma.**

**Isaya 55:12 - Luka 19:40 Ela achiaambira, "Nakuhakikishirani, hano atu
achinyamala, higo mawe gandapiga hoyo."**

**Johana 16:22 Phahi hata mwimwi hivi sambi mnasononeka. Lakini
n'ndakuonani tsona na mndakala na raha, wala takuna mutu**

ndiyekuusirani hiyo raha.

**Luka 12:9 Lakini ndiyenitsamalala mbere za atu, andatsamalalwa
mbere za malaika a Mlungu.**

**Mathayo 10:30/31 Hata nyere zenu za vitswani zosi Mlungu anazimanya
isabuye. Phahi, msiogophe, mana mwimwi mna samani zaidi kuriko
mberya anji!**

**Isaya 54:10 - Mathayo 24:35 Dzulu mlunguni na dunia kundasika, lakini
maneno gangu gandakalako milele na milele."**

**Mathayo 11:28-30 Ndzoni kwangu mwimwi mosi mgayao na
kuremererwa ni mizigo miziho, nami n'ndakuoyezani. 29 Gbwirani
mizigo wangu na mdzifundze kula kwangu; mana mimi ni mpole na
wa mbazi, namwi roho zenu zindaoya. 30 Mana mafundzo gangu ga
rahisi, na mizigo wangu tauremera."**

Selemani 2:10 & Hosea 2:14,19,20

**2 AKorintho 11:2 Nakuonerani vivu dza Mlungu anavyokuonerani vivu.
Nakuahidini mlume mmwenga ambaye ni Jesu, ili nikuphirikeni
mbereze dza mwanamwali ariyeposwa kulólwa ni hiye.**

**Exodus 3:14 - AEbrania 13:8 Manyani kukala Jesu Masihi kagaluka, a
vivyo hangu kare, rero na hata milele.**

**Hosea 13:4 - Mahendo 4:12 Wokofu tauphahikana kula kpwa mutu
wanjina yeysi, isiphokala kpwa Jesu, mana takuna dzina ranjina
rorosi duniani rohewa anadamu kuaokola."**

**Johana 15:14 Phahi mchigbwira malagizo gangu, mndakala asena
angu.**

**Johana 14:6 Achiambwa, "Mimi ndimi njira, kpweli na uzima. Takuna
mutu asezaye kufika kpwa Baba isiphokala atsupire kpwangu.**

**Maono 3:20 Hebu sikizani! Mino niimire mryangoni n'napiga hodi. Mutu
ndiyenisikira achinivugurira, n'dainjira mwakpwe nyumbani na
hurye hosi.**